

# GJALDSKRÁ

## Fiskistofu.

### I. KAFLI

#### Almennt.

1. gr.

*Gildissvið.*

Fyrir þjónustu og eftirlit, sem Fiskistofu er falið að sinna samkvæmt lögum nr. 36/1992 um Fiskistofu, lögum nr. 116/2006 um stjórn fiskveiða, lögum nr. 57/1996 um umgengni um nytjastofna sjávar, lögum nr. 79/1997 um veiðar í fiskveiðilandhelgi Íslands, lögum nr. 151/1996 um fiskveiðar utan lögsögu Íslands, lögum nr. 54/1992 um vinnslu afla um borð í skipum, lögum nr. 61/2006 um lax- og silungsveiði, lögum nr. 85/2000 um framkvæmd samnings um alþjóðaverslun með tegundir villtra dýra og plantna sem eru í útrýmingarhættu, upplýsingalögum nr. 50/1996, og reglugerðum, sem byggja á framangreindum lögum, innheimtir stofnunin gjald samkvæmt gjaldskrá þessari.

Gjald fyrir eftirlit og þjónustu skal að hámarki nema raunkostnaði af veitingu þjónustu og eftirlits.

Gjaldskrá þessi gildir einnig um aðra gjaldskylda starfsemi Fiskistofu samkvæmt lögum.

2. gr.

*Gjald fyrir vinnu sérfræðings og veiðieftirlitsmanns.*

Fiskistofa innheimtir gjald samkvæmt gjaldskrá þessari fyrir verkefni og þjónustu, sem stofnuninni eru falin í lögum og heimilt er að taka gjald fyrir, sem nemur 14.757 krónum fyrir vinnu sérfræðings og 16.621 krónu fyrir vinnu veiðieftirlitsmanns á hverja klukkustund.

3. gr.

*Innheimta.*

Gjöld samkvæmt gjaldskrá þessari skulu greidd samkvæmt reikningi. Gjalddagi er við útgáfu reiknings en eindagi 15. dögum síðar. Sé gjald ekki greitt á eindaga reiknast dráttarvextir frá gjald-daga.

Innheimta má gjöld með fjárnámi án undangengins dóms eða sáttar.

Gjöld fyrir veiðileyfi og strandveiðigjald samkvæmt 4. gr. skulu greidd áður en leyfi er gefið út.

### II. KAFLI

#### Leyfisveitingar, vottorð o.fl.

4. gr.

*Veiðileyfi.*

Fyrir veitingu almenns leyfis til veiða í atvinnuskyni samkvæmt 4. gr. laga um stjórn fiskveiða skal greiða gjald í samræmi við 1. mgr. 6. gr. laga nr. 36/1992 um Fiskistofu. Sama gjald skal greiða fyrir önnur veiðileyfi, sem veitt eru á grundvelli laga um stjórn fiskveiða, laga um veiðar í fiskveiði-landhelgi Íslands, laga um fiskveiðar utan lögsögu Íslands eða annarra laga, sem kveða á um stjórn fiskveiða.

Vegna útgáfu leyfis til strandveiða er innheimt strandveiðigjald í samræmi við 2. mgr. 6. gr. laga um Fiskistofu, auk gjalda fyrir veiðileyfi samkvæmt 1. mgr.

Gjöld samkvæmt 1. og 2. mgr. skulu greidd áður en leyfi er gefið út.

5. gr.

*Vigtunarleyfi.*

Vegna umsóknar um vigtunarleyfi samkvæmt 2. mgr. 6. gr. laga um umgengni um nytjastofna skal greiða 152.306 krónur fyrir úttekt á vigtunaraðstöðu og útgáfu leyfis samkvæmt 1. málsl. 2. mgr. 6. gr. laganna (heimavigtunarleyfi) og 135.686 krónur fyrir úttekt á vigtunaraðstöðu og útgáfu leyfis samkvæmt 3. málsl. 2. mgr. 6. gr. (endurvigtunarleyfi).

Við breytingu á leyfi eða endurnýjun skal fara fram úttekt á vigtunaraðstöðu. Fyrir slíka úttekt skal greiða 102.444 krónur.

#### 6. gr.

##### *Leyfi til framkvæmda við ár og vötn.*

Fyrir leyfi til framkvæmda í eða við veiðivatn samkvæmt 1. málsl. 1. mgr. 33. gr. laga um lax- og silungsveiði skal greiða 14.757 krónur.

#### 7. gr.

##### *Veiði- og vinnsluvottorð.*

Fyrir veiðivottorð til að staðreyna löglegan uppruna afla og afurða í samræmi við 9. gr. reglugerðar nr. 994/2013 um skýrsluskil vegna viðskipta með sjávarafla skal greiða 130 krónur.

Fyrir vinnsluvottorð í samræmi við gr. 14(2) og IV. viðauka reglugerðar EB nr. 1005/2008, sbr. samkomulag við Evrópusambandið 24. nóvember 2009 um útgáfu vottorða í samræmi við reglugerð EB nr. 1005/2008 um stofnun kerfis til þess að fyrirbyggja, hindra og uppræta ólöglegar, óskráðar og eftirlitslausar veiðar, skal greiða 4.919 krónur.

#### 8. gr.

##### *CITES-vottorð og -leyfi.*

Fyrir vottorð og leyfi samkvæmt lögum um framkvæmd samnings um alþjóðaverslun með tegundir villtra dýra og plantna, sem eru í útrýmingarhættu, og reglna settra á grundvelli þeirra laga, skal greiða 14.757 krónur.

#### 9. gr.

##### *Afladagbók.*

Fyrir afladagbók á pappírsformi skal greiða 2.672 krónur.

### III. KAFLI

#### **Eftirlit.**

#### 10. gr.

##### *Vera eftirlitsmanns um borð í skipi.*

Fiskistofa innheimtir gjald vegna veru veiðieftriltsmanns um borð í skipi meðan þeir stunda eftirlitsstörf um borð í skipum, sem stunda veiðar á grundvelli laga um stjórn fiskveiða, laga um veiðar í fiskveiðilandhelgi Íslands, laga um fiskveiðar utan lögsögu Íslands eða annarra laga er kveða á um stjórn fiskveiða.

Gjald er innheimt fyrir hvern dag eða hluta úr degi, sem veiðieftriltsmaður er að störfum um borð í skipi, sem hefur leyfi til að vinna afla um borð, sbr. 2. mgr. 7. gr. laga um Fiskistofu. Sama gjald er innheimt þegar ástæða þykir til að fylgjast sérstaklega með veiðum, sbr. 13. gr. laga um umgengni um nytjastofna sjávar, og þegar ákveðið hefur verið, að veiðieftriltsmaður skuli vera um borð í skipi á grundvelli 16. gr. sömu laga.

Gjald fyrir hvern dag eða hluta úr degi, sem eftirlitsmaður er að störfum, sbr. 1. og 2. mgr., skal greiða 68.522 krónur.

#### 11. gr.

##### *Eftirlit með löndun erlendis.*

Vegna ferðar eftirlitsmanns til að fylgjast með löndun úr skipi erlendis skal greiða 55.177 krónur vegna starfa eftirlitsmanns fyrir hvern dag eða hluta úr degi, sem eftirlitsmaður er að störfum. Ferð skal greidd í samræmi við útlagðan kostnað Fiskistofu.

12. gr.

***Úttekt á búnaði til vinnslu afla um borð í skipi.***

Vegna umsóknar um leyfi til vinnslu afla um borð í skipi samkvæmt 5. gr. laga um vinnslu afla um borð í skipum skal greiða 99.724 krónur vegna úttektar Fiskistofu á búnaði til vinnslunnar um borð.

**IV. KAFLI**  
**Úthlutun aflaheimilda, flutningur o.fl.**

13. gr.

***Úthlutun aflamarks á grundvelli laga um stjórн fiskveiða.***

Vegna úthlutunar aflamarks, sem fæst í skiptum á tilboðsmarkaði, samkvæmt 6. mgr. 8. gr. laga um stjórн fiskveiða skal greiða 11.068 krónur. Vegna úthlutunar aflamarks á grundvelli 10. gr. laganna skal greiða 2.624 krónur vegna úthlutunar aflamarks á grundvelli 1. tölul. 1. mgr. 10. gr. og 19.319 krónur vegna úthlutunar aflamarks á grundvelli 2. tölul. 1. mgr. 10. gr. til stuðnings byggðarlögum.

14. gr.

***Flutningur á aflamarki og aflahlutdeild.***

Fyrir móttöku og úrvinnslu tilkynningar um flutning á aflamarki og krókaflamarki samkvæmt 15. gr. laga um stjórн fiskveiða skal greiða 3.689 krónur.

Vegna þjónustusamnings um rafrænar tilkynningar um flutning aflamarks milli fiskiskipa skal greiða 110.680 krónur fyrir hvert fiskveiðiár.

Fyrir móttöku og úrvinnslu tilkynningar um flutning á aflahlutdeild ásamt staðfestingu Fiskistofu fyrir flutningnum samkvæmt 12. gr. laga um stjórн fiskveiða skal greiða 34.434 krónur.

15. gr.

***Tilkynningar um stöðu aflaheimilda.***

Vegna tilkynningar um stöðu aflaheimilda samkvæmt 14. gr. laga um umgengni um nytjastofna sjávar skal greiða 10.643 krónur.

**V. KAFLI**  
**Upplýsingavinnsla o.fl.**

16. gr.

***Aðgangur að gagnasöfnum og sérvinnslu upplýsinga.***

Fyrir aðgang að gagnasöfnum Fiskistofu með gagnaveitu skal greiða mánaðargjald, sem nemur 4.919 krónum. Óheimilt er að miðla upplýsingum, sem fengnar eru með slíkum aðgangi til þriðja aðila án samþykktar Fiskistofu, hvort sem miðlun upplýsinganna er gegn gjaldi eður ei.

Fyrir sérstakan aðgang að gagnasöfnum og sérvinnslu upplýsinga greiðist tímagjald samkvæmt tímavinnu sérfræðings í samræmi við 2. gr.

17. gr.

***Ljósrit og afrit af skjölum.***

Fyrir ljósrit eða afrit af skjölum samkvæmt beiðni á grundvelli upplýsingalaga nr. 140/2012 og stjórnsýslulaga nr. 37/1993 gilda gjaldskrár, sem forsætisráðherra setur.

**VI. KAFLI*****Annað.***

18. gr.

***Endurskoðun gjaldskrár.***

Gjaldskrá þessa skal endurskoða fyrir árslok 2016.

Nr. 1177

18. desember 2015

19. gr.

*Lagastoð og gildistaka.*

Gjaldskrá þessi, sem sett er samkvæmt 5. gr. laga nr. 36/1992 um Fiskistofu, staðfestist hér með og öðlast 1. janúar 2016.

*Atvinnuvega- og nýsköpunarráðuneytinu, 18. desember 2015.*

**Sigurður Ingi Jóhannsson**  
sjávarútvegs- og landbúnaðarráðherra.

*Jóhann Guðmundsson.*

---

B-deild – Útgáfud.: 23. desember 2015